

詔安縣俗迎春日以石擲官謂之打春必先期示禁否則誤中面目雖嚴懲之已無及矣聞漳浦平和兩縣俗亦同

長汀縣向有搶佛子之俗每年正月初七日定光寺僧以長竹二竿懸數十小牌於抄書伏虎佛號無子者羣奉之而行自辰至酉咸以長鉤鉤之一墜地則紛然奪去得者用鼓樂迎歸供之以爲舉子之兆然亦有應有不應惟因紛奪或至鬪毆涉訟者耳

出海驅瘟瘟疫也福州俗每年五六月中各社釀錢紮竹爲船糊以五色綾紙內設神座及儀從供具等皆綾紙爲之工巧相尙有費數十緡者顧人昇之鳴螺擲鼓肩各廟神像前導至海邊焚化漳府屬亦有之亦皆綾紙所糊耳惟廈門人別造真船其中諸物無一贗者并不焚化但浮海中任其漂沒計一船所費或逾中人之產付諸無用殊可惜也

閩俗攤錢爲首者以一二百錢傾散桌上以空碗隨手覆定去其在旁者聽人猜壓以一至四爲數壓定開碗用筭一支四四數之視餘錢若干或一則壓一者贏壓數三倍否則輸去壓錢福州惟南臺爲盛泉漳兩郡亦到處有之

閩中鼓山里魁崎有石橫亘五十餘丈上刻繡文從無人識永福六洞仙山石室中有古篆十字又福鼎太姥山石上有天琢元巖四字閩在唐以前文學無聞而祕篆靈文乃已不少

福州士人上元多設燈謎或盡一宵之興或訂三夕之期關巧爭奇頗多佳製

福州有圖詩之會其法拈字爲偶句自二字至六字爲率分嵌句中不得連屬既成錄之別紙以二人爲考官第其甲乙異等則有賞

閩音與化最難辨次則福州如讀府若虎讀兄若香香若兄公宮等字讀若君軍君軍等字讀若公宮五

小方壺齋輿地叢鈔

第九畧

閩雜記九

一百二十四

南清河王氏隨版

易其音驟聞之未有不誤者

凡田地山場所種竹木蔬果之類不論收穫多寡於初種或將穫時估賣於人謂之判賣閩俗詞狀常有有字有字中缺二畫初不識後知即判字也又木稼不實者爲穉穀閩俗謂之有穀凡物中空亦曰有皆讀若判或讀若胖字蓋胖字音平即空字也又有有字有字中加一畫讀若遲鈍之鈍凡物中堅實者曰有

閩俗田有皮骨之分買賣皮田者契上書田字田字去左一直讀若升買賣骨田者契上書田字田字去右一直讀若棧皆俗製字詞狀中嘗有之他處人不識也

凡物不正者並不正二字作歪讀呼怪切不長者並不長二字作矮讀若矮建寧字讀作得閩中錢多用紙票自四百以上至于萬或總或分聽人自便四百以下則不用票矣其票皆以厚白棉紙不可刮補翻揭者先用藍印店號及年月號數四邊又圍小字或取一字偏旁如金玉魚鳥等部或作駢語藏店號於中間合句處復以墨筆填寫錢數又加方圓大小硃印字有小於半粟者鐫刻精巧幾於鬼工蓋以防僞也然尙有誤收假票用者則利之所在人固不靳用心矣

漳州各縣皆出水晶平和尤著稱有五色赤如血者名血晶黃如蜜蠟者名蠟晶紫如茜草者名紫晶皆難得其次藍晶色如靛亦名靛晶墨晶色如墨亦名墨晶又一種間黃墨色如濃茶汁者名茶晶亦不多得若尋常白色者則水晶也易得而價廉矣或曰漳州所出爲水晶茶晶墨晶藍晶尙間有之赤紫紫三色皆出西域漳州有售者乃以藥草薰染非本色也又有一種髮晶中嵌短髮如新薙落者縱橫疏密渾然天成嘗疑前人多言水晶乃千年堅冰結成西洋諸國人自來薙髮或棄水中冬月水結成冰髮既不壞久遂結成髮晶理可信也漳州在閩東南地氣尤暖從來無冰又自康熙時鄭氏平後人始薙髮至今